

01/22/21

Tus xa ntawv cuag tau: Kelly Tyrrell, kelly.tyrrell@wisc.edu

UW-Madison yuav pib hno tshuaj tiv thaiv rau cov neeg hauv tsev kawm ntawv muaj 65 thiab tshaj

MADISON – Lub asthiv no, *Wisconsin Department of Health Services* [tau tshaj tawm rau cov neeg muaj 65 thiab tshaj](#) tias hno tau koob tshuaj tiv thaiv COVID-19 pib Ib Hlis tim 25. *University Health Services* tau xa ntawv tawm rau 1,800 tus laj mej hauv tsev kawm ntawv uas muaj lub hnuv nyoog nyob rau pawg no kom teem caij tuaj hno koob tshuaj.

Cov neeg muaj hnuv nyoog nyob rau pawg no kuj mus hno tau koob tshuaj ntawm lawv qhov chaw kuaj mob thiab. Piv txwv, *UW Health* tau [cuab cov tib neeg zog kom mus saib kawm ntxiv](#) txog kev ua raws hno koob tshua nyob hauv uwhealth.org/vaccine. UHS tsuas hno koob tshuaj no rau cov neeg ua haujlwm thiab mejyig hauv tsev kawm ntawv nkaus xwb.

UHS [tau kev pom zoo ua ib qho chaw hno koob tshuaj](#) rau lub Kaum Ob Hlis tim 30, 2020 thiab lub Ib Hlis xiab 5, 2021 [tau pib hno koob tshuaj rau cov neeg nyob rau pawg Phase 1a hauv tsev kawm ntawv](#), uas yog rau cov neeg tu cov muaj tus kab mob COVID-19 los ua haujlwm kuaj kua nruab nrog txog tus kab mob, xws li tshawb fawb kawm tus kab mob los kuaj cov neeg ua haujlwm saib puas muaj COVID-19.

[Raws DHS kev kom ua raws](#), tsev kawm ntawv kuj pib hno koob tshuaj rau cov laj mej tub ceev xwm hauv *UW Police Department* uas nyob hauv pawg *Phase 1b*. *UW Health* kuj hno koob tshuaj rau UW–Madison cov neeg ua haujlwm rau hauv tsev kawm ntawv thiab chaw kuaj mob.

UW–Madison kev hno koob tshuaj rau sawv daws nyob ntawm saib tau cov tshuaj ntau npaum cas, nrog rau xeev thiab nom tswv tebchaws kev kom ua raws, uas xyuas saib leej twg hno tau koob tshuaj thaum twg.

Txij thaum lub Ib Hlis pib, tsev kawm ntawv tau txais *Moderna* thiab *Pfizer-BioNTech* ob koob tshuaj, uas yuav tau hno ob zaug. *Moderna* koob thib ob yuav tsum hno 28 hnuv tom qab thawj koob, hos *Pfizer* koob thib ob yuav tsum hno 21 hnuv tom qab thawj koob. Yuav tsum tau hno koob thib ob ntawm ob koob tshuaj thiaj yuav tiv thaiv tau zoo, thiab ob koob no yuav tsum yog tib hom tshuaj, yog ib koob ib hom.

Lub asthiv no, pawg *State Disaster Medical Advisory Committee* tau kom *DHS* xyuas hno koob tshuaj rau cov neeg nyob rau pawg *Phase 1b*. Ntaub ntawv qhia ntxiv txog *DHS* qhov hno koob tshuaj tiv thaiv COVID-19 muaj nyob hauv:

<https://www.dhs.wisconsin.gov/covid-19/vaccine-about.htm>.

Thaum *DHS* tshaj tawm kev qhia ua raws kawg li cas, UW–Madison yuav qhia rau txhua tus hauv tsev kawm ntawv uas nyob rau pawg ntawd. Tabsis, tej zaum kuj tseem yuav yog asthiv puav ua ntej yuav muaj tshuaj txaus txhua tus thiaj yuav hno tau koob tshuaj.

Txawm qhov koob tshuaj muaj tej yam tsis zoo tsawg heev thiab ob koob tshuaj tsis muaj teeb meem thiab pab tau zoo los, ib co neeg kuj muaj mob tob hau, ua npaws thiab no no tom qab hno koob tshuaj tiv thaiv COVID-19. Rau kev qhia txog tej yam yuav muaj taus thiab yuav tswj lawv li cas, mus saib hauv *Centers for Disease Control and Prevention* lub website: <https://www.cdc.gov/coronavirus/2019-ncov/vaccines/expect/after.html>.

UHS cuab txhua tus hno tau koob tshuaj thiab tsis tau hno nyob lwm qhov chaw kuaj mob kom teem caij tuaj hno thiab nws yog ib qho leej twg xub teem ces tau xub hno raws tshuaj tshuav xwb. Kev teem caij yuav muaj raws tshuaj hno tshuav. Cov neeg xyuas kev noj qab haus huv rau pejxeem hais tias neeg coob heev hauv zej zog yuav tsum hno koob tshuaj tiv thaiv no thiaj yuav tswj tau kom tus kab mob txhob kis rau cov yuav raug mob loj. Hno koob tshuaj yuav pab tiv thaiv koj, koj cov phooj ywg thiab tsev neeg, thiab ib tsoom kom tus kab mob COVID-19 txhob kis.

Asthiv no, *Governor Tony Evers* thiab *Wisconsin National Guard* kuj tau tshaj tawm [pib muaj ib qhov kev pab cuam mus ib qho ib qho \(Mobile Vaccination Program\)](#) pab hno koob tshuaj rau cov neeg hno tau nyob thoob hauv Wisconsin. Cov mejyig ua haujlwm pab dawb nyob hauv UW System, [nrog rau UW–Madison nursing and pharmacy cov mejyig](#), yog cov pab qhov kev hno tshuaj no.

###

-- Kelly April Tyrrell, kelly.tyrrell@wisc.edu, 608-262-9772

Nias nyem saib video hno thawj koob tshuaj:
<https://www.youtube.com/watch?v=9eo8DPF5FzY&feature=youtu.be>